

Seimin (1940—)

## KIAL KAJ KIEL MI AMAS ESPERANTON

I

“Bonan matenon, Majstro! Sidiĝu, mi petas.  
Kiel vi fartas post kvindekjara malvivo?  
Bonvolu fumi. Nu, vi certe enketas  
pri la Movado, kaj l’ nuna perspektivo?”  
el “Humoroj” de William Auld

Vi certe ne konas min. Ĉino mi estas,  
jam trideknaŭjara, nek old, nek juna;  
la korpo masivas, la cerbo modestas.  
Aĥ, kion mi diru? La cello komuna...  
Antaŭ dek ses jaroj, mi estis studento  
en la fakultato ruslingva. Ŝvitegis  
mi en labirint’ garmatika... prudento  
foriĝis, ho Dio! Ve! sombreco Regis,  
ĝis foje aŭdiĝis, ke oni komencis  
la kurson de lingvo la internacia.  
Ĉu tio ne estas la angla?— mi pensis.  
Ne? Sed Esperanto? Ĉu ne sensacia,  
la nomo, neniam aŭdita? Mi ŝovis  
la kapon suspekto, rindiĝis l’ okuloj,  
streĉiĝis la nervoj. Ĝin lerni mi provis.  
Ha, kia facile! Nur dek ses reuloj;  
akcento senŝanĝa; du kazoj nur restas;  
la genr’ ne ekzistas; kaj pri la derivado,  
anaha, do simpla kunmeto ĝi estas.  
Kaj oni rakontis, ke al ĝi la vivo  
de ĝia aŭtoro dediĉis sin krude.  
Sed kiam mi luktis super l’ alfabeto,  
sagadis murmuroj: forlasu entute  
ludilon faritan ja por infaneto...  
Ho Majstro, ho Majstro, vi certe jam glutis  
barelon da moko, blasfemo, sufero...  
Sed mi ne eltenis — kaj ĉio kaputis.  
Mi krome ne sciis, ke eĉ la afero  
facila postulas mamutan laboron.  
“Ne en unu tago elkreskis Kartago.”  
Forpasis monatoj; penetris la koron  
potenca alvoko: Reeku la ago!  
Min dotis tro poke la naturo, ho ve!  
perfidies tre ofte la memoro... Kion do fari? Formike persistu kaj bove  
laboru! “Kuraĝon, obstinon!”, pasion...  
kurigis mi plumon, vortaron kopiis  
sur slipoj; portante survoje, latrine,  
gravuris mi en la memoron. Konsciis  
mi: Avo Malsaĝa translokiĝis obstine  
montegojn pioĉe, por ida feliĉo;  
“De guto post guto disfalas granito.”  
Post tridek monatoj jam venis kondiĉo  
por legi eseon, novalon, kun rido.  
La “Krestomatio” kaj “Lingvaj Respondoj”  
ripete legiĝis, apenaŭ parkere;  
pro Marta povrega leviĝis mil ondoj  
en koro sentema; Hamleto, jes, vere  
mi ĵetis en mornon; Rabistoj, Rabeno...  
sed al Revizoro rifuĝis ĝislarme;  
kampulo Georgo edziĝis sen peno,  
dum mi — oj! La kapo ekbrulis, tro varme...  
vivanta la lingvo, streĉata la kordo.  
Ĝin amas la ĉina junul’ el la ruo,  
banate en lumo. De sud ĝis nordo,  
kun laŭta krakado disfalas la muro!  
Eĉ, Majstro, forĵetis vi la aŭtorecon!  
Rifuzis vi firme la tentan sumegon!

He, lasu — ni nomu vin Majstro! La decon  
ni taksas kaj ĉiel atentis la flagon Interna Ideo

## II

Majstro, sidu pli komforte!  
Fumu, tiel pli konkorde.  
La fumado al vi rabis  
ja dek jarojn, ĉar vi strabis  
al la morto. Nun ne gravas,  
ĉar la mondo jam ne bravas...

Je komenc' de ĉi jarcento  
Jam enĉiniĝis nova sento.  
Ekscintilis verda stelo  
milde, klare, en malhelo.  
Pioniroj semon metis —  
ili feble burĝonetis.

Tempo kriza, land' mizera,  
perspektivo senespera.  
Ĝemis plore la popolo  
kun la jugo sur la kolo.  
Ĉie skeletoj sternaĝis,  
en tenebro gufoj kriĉis.

Vagis hante la fantomo  
al obskura, aĉa domo.  
La “Voĉoj el Oriento”  
rompis muton. Firmamento  
knaris. Jen “Ĉinio Hurlas”  
ruĝan ŝtormon ĝi aŭguras.

Arda flamo en l' okuloj —  
jam vekiĝis laboruloj.  
Rompi jugon, man' en mano,  
sturmis brave ĉiu ano.  
For diabloj! For demonoj!  
Tondris krioj kaj pafsonoj...

Venis pompa privamero —  
sunraradioj ĵetas ajn al tro.  
La naturo gaje sprosas,  
rojoj kantas, kaj patosas  
montoj, floroj ridas, birdoj  
dancas — ĉie festaj bildoj.

Filo de montan' malriĉa  
venis al ĉefurb', feliĉa,  
lerni universitate.  
Ho miracle! Ho beate!  
En la granda familio  
regas kora harmonio.

Poste Esperanton konis  
li kaj en ekstazo dronis.  
Diktis veterana sperto:  
Ĉiam legu. Ĉi aserto  
kaŭzis, ke li lasis spurojn  
en mil libroj kaj broŝuroj.  
(daŭrigota en n-ro 19)

Neĝa Umeo

## LEGINDA MIA EDZO

Oni facile komprenas milojn da librojn, sed malfacile unu edzon.

Kiam mi eksciislin, kiu poste fariĝis mia edzo, estis duonjaron post mia eklaboro en lernejo. Amikino, loĝanta kun mi en la sama loĝejo, sciigis al mi, ke en la dua etaĝo vivis tre bona knabego. De tiam altiriĝis jam ne malmulte da miaj atentoj el li, kvankam okazis ankoraŭ nenia konversacio inter ni.

Pasis denove duonjaro, mi plu atribuis al li tiajn bonvirtojn kiaj sobreco, zorgemo, indulgemo, bonkoreco k.a. Estiĝis ĉe mi sopiro intimerioati kun li.

Ĝuste tiam li ekfunkciis kiel ĉef-instruisto kaj devis rekte kontakti kun mi.

Post nelonge, sincera interparolo malkovris tion, ke ni ambaŭ sopiris unu la alian jam longan tempon.

Dum nia enamiĝo, li montriĝis senlime zorgema, tute senfilistreca, aparte magneta por mia korinklino. Do, nova paĝo de mia vivo estis transturnita.

Tamen, tute neatendite, kiam apenaŭ finiĝis la miela monato, mia edzo jam ŝanĝiĝis en alian homon, tute malsman ol

la estinta. Li fariĝis tiel kvieta kaj kontentema, kvazaŭ urso dum vintrodormado. Li prokrastigis ĉion nur se tio estus al la senfinaj morgaŭoj. Okazis eĉ kelkfoje, kiam mi estis tiel laca kaj opiniis, ke, vidante tion, eĉ preterpasanto simpatie helpus min, tamen li restis ankoraŭ senkore senmova. Mi, ege kordolora, ofende pikis lin per malvarmaj vortoj, nature, kun venenaj rigardoj. Incitite, mia edzo iom progresis. Ĝuste tiam, antaŭ la realo paliĝis ankaŭ lia aŭreola klereco, kiu iam tiel brilis antaŭ mi: lutage, ni vizitis kun donacoj al mia kolego, kiu multe helpis min dum mia malfacilo, neatendite mia edzo fuŝis nian dankan ceremonion per nepardonebla balbutado, kio faris min tre hontinde embarasita. Do, reveninte hejmen, ne povante deteni min de kolerego, mi verŝis al li pluvojn da riprocoj, kaj tiel forpais pluraj monatoj en etoso de eksereniĝo aŭ ekpluvo, aŭ resereniĝo post ekpluvo ktp. Mi sentis ke la geedza vivo estis kaj paradiza kaj infera.

Post nelonge, mia edzo forveturis pro studado. En la hejmo restis nur mi, senakompana kaj soleca en vesperaj horoj. Tiam, relegante mian edzon, mi ektrovis lin vere mirinda, kun miloj da bonoj remaĉindaj.

Origine li estis homo, kiu kutime endormiĝis tuj post kuŝiĝo. Tamen ĉar mi sufris sendormecon pro neŭterastenio, do, li volontis pacience varti mian dormemon ĉiunokte per rakontado de fabelo: “En neĝvetero disfloris umefloroj. Kuris aroj da cervoj, kaj dormetis jen tigro, kun oscedo, alia oscedo...”

Li ankaŭ ofte vekiĝis en nokto, por suprentiri litkovrilon sur min, kiu havis malbonan dormpozon.

Mi rememoris, ke ĉiufoje, kiam mi havis malagrablaĵon kun mia kolegino kaj revenis hejmen, mi ĉiam tansŝutis mian koketan koleron al la edzo, dum li, ĉiam kun rido kaj pacienco, pacigis min ĉiamaniere.

Mi ankoraŭ rememoris, ke en la sezono kiam “furioze ekblovis la aŭtuna vento”, mi pretigis eĉ nenian lan-trikaĵon por mia edzo, kiu tamen trovis neniom da malkontento pri tio...

Dum tia meditado, leviĝis el mia korprofundo forta amo al mia edzo kaj, konsekvence, ankaŭ memriproĉo pri mia rigora kruelo.

Laŭrezone la familio ja estas haveno la plej kvieta, plej varma, kaj plej komforta, nur kie mia edzo povus lasi sin libera, senafekta. Kial do mi devigu lin ŝarĝi sin per masko kaj katenoj ankaŭ en la hejmo? Esence mia edzo estas ja nur instruitulo, kaj mi mem ankaŭ strebis al malfilistrecon dum la jaroj en universitato. Kial do mi koleru pro lia mallerta senspertaeco en donacado? Ĉu tio ne estas mala kontraŭ mia lama inklino?...

Mi nombradis al mi unu post alia miajn malpravojjn, kaj subite komprnis ke mia edzo estas vere ekstreme tolerema. Li indulges min multe kaj toleris min multe. Cu li eble ĉiam atendis mian konsciiĝon?

Vekiĝinte el sonĝo, mi forte sentis ke la edzo ja estas fama verko kun enhavo kelkloke proza, kelkloke brila. Li aspektis jen kiel altaĵo, jen kiel montkresto, malsame mirinda en malsamaj tempoj. Tamen, pro troa proksimo mi ne volis alfronti kaj nek legis, nek pensis, preterlasinte multajn ŝancojn por apreci.

Nu, estas feliĉe, ke mi vekiĝis ankoraŭ ne tro malfrue.

## El la Ĉinaj Fabloj

### Ŝteli Kokon

Al homo, kiu ŝtelis ĉiutage kokon de sia najbaro, oni admonis “Ĉesigu la malhonestan agon!”

Sed tiu respondis: “Do, mi iom reduktu! Anstataŭ ĉiutage, mi ŝtelos nur ĉiumonate kaj ĉesiĝos la ŝtelado jam venontjare.”

Konsciinte oni devas tuj ĉesigi la malhonestan fiagon, kial do nur venontjare?”

—*Mengzi*

### La Aplomba Kunagango

Masonisto de Ĉu-regno foje estis makulita je sia nazpinto per kalko tiel malgranda kaj maldike kiel flugilo de muŝo.

Li petis ĉarpentiston forhaki ĝin./ La ĉarpentisto tirlevante svingis sian hakilon tiel rapide kaj lerte ke li forhakis la kalkmuakulon kun neniom da vundo al la nazo de la masonisto, kiu sides ĉiam aplombe kun neniom da paliĝo.

Informiĝinte pri tio, la reĝo de Song-regno venigis la ĉarpentiston kaj petis ke li ripetu tion ankoraŭfoje. Tiu respondis: “Jes, via reĝa moŝto, tiom mi faris efektive iam, sed nun jam ne plu povas, ĉar mia kunaganto mortis delonge.”

— *Ĝuangzi*

### Ĵeti Bebon en Riveron

Riverborde iu vidis ke homo estis ĵetonta en la riveron bebon, kiu ploregis timigite. Oni demandis pri la kialo. La homo respondis:

“Ne grave, lia patro estas majstro de naĝado.”

— Ho, eĉ se la patro estas majstro de naĝado, tamen, ĉu la bebo tuj scipovas naĝi? Trakante aferon tiamaniere, oni certe faros erarojn.

— *Ljuŝi Ĉunkiu*

trad. Guozhu

## PAĜO DE ĈINESKO

Fasko da poemoj laŭ la melodio Dekses-silabo

Lu Jixin (Ĉinio)

### SONĜO

Jen  
ŝvebas ĉe la kapkusen’  
sonĝo kun  
dolĉo kaj bel-scen’.

Ben’  
for a de mi en maten’,  
sed sub lun’  
iĝas mia pren’.

Rem’  
sur ĝoj-lago sub seren’  
sonĝo nun  
kiel en eden’.  
\*\* \*\*

Jen  
falas al la kapkusen’  
sonĝo kun  
peza prem’ kaj plen’.

Ĝem’  
tage dorma sub festen’,  
sed sub lun’  
viglas kun keten’.

Sen ĉarma kanto nur ĉagren’,  
sonĝo nun  
kiel en gehen’.  
\*\* \*\*

En  
ĉiu nokta dorm-teren’  
pens’ de jun’  
flugas kun poem’.

Jen sonĝo iras jam al sven’,  
sub nov-sun’  
kri’ el mi: Reven’!

**S. Asta** (svedio)

**ĈI**  
Ĉi  
arda ĉirkaŭbrako de vi,  
ja por mi  
estas poezi’.

\*Dekses-silabo — unu el ĉinaj fiksformaj poemo, konsista el kvar versoj de 1, 7, 3, 5 silaboj, kun rimaranĝo de a, a, x, a (x=senrima).